



UNIVERSITETI I EVROPËS JUGLINDORE

MUNDËSI ... *më shumë se kudo*

← Apliko!

Studimet pasdiplomike 2008/09



► Përmbajtja

Fjala e Rektorit 3

Studimet në UEJL 4

Cikli i dytë i studimeve në UEJL-pasdiplomike 5

Sigurimi i cilësisë 5

Mësimdhënia, mësimnxënia dhe vlerësimi 5

Mësimi elektronik (e-learning) - Angel 6

Stafi akademik 6

Qyteza e UEJL-së 6

Infrastruktura e teknologjisë informatike (TI) 7

Shërbime profesionale të karrierës 7

eService 7

Qendra kompjuterike 7

Biblioteka 8

Mbështetje për studentët me aftësi të kufizuara 8

Pranimi 9

Njohja e gjuhëve 9

Procedura e aplikimit 9

Kërkesa shtesë 10

Studentët e huaj (që nuk janë shtetas të RM) 10

Pagesa e shkollimit 10

Zyra për studime pasdiplomike

Zyra për studime pasdiplomike është zyrë qendrore administrative, e cila merret me çështjet e programeve studimore pasdiplomike në UEJL. Zyra është përgjegjëse për koordinimin dhe progresin e programeve studimore.

Zyra për studime pasdiplomike, në mënyrë të vazhdueshme bashkëpunon me fakultetet, departamentet dhe njësitë tjera administrative në UEJL, për të siguruar cilësi në implementimin e duhur të politikës së Universitetit për studimet pasdiplomike. Gjithashtu, ofron ndihmë të vazhdueshme të gjithë studentëve në studimet pasdiplomike dhe stafit të kyçur në këto studime.

Qëllimi i Zyrës për studime pasdiplomike është për të siguruar kandidatët me një përvojë të kënaqshme hulumtuese dhe në mënyrë intelektuale të stimulojë të gjithë ata të involvuar, duke iu ofruar kandidatëve mundësi për të marrë njohuri dhe shkathësi që do t'i ndihmojë ata për të zhvilluar një karrierë të gjatë dhe të suksesshme në lëmin e tyre.

Zyra gjendet në ndërtesën 801.09 dhe është e hapur për informata, çdo ditë gjatë javës (e hënë – e premte), nga 8:00 – 16:00.


Zyra për studime pasdiplomike
Universiteti i EJL
Ilindenska, pn
1200 Tetovë
Republika e Maqedonisë
Tel: + 398 (0) 44 356 031
e-mail: e.murtezani@seeu.edu.mk

Të dashur studentë të ardhshëm!

UEJL është institucion i ri bashkëkohor edukimi me cilësi tanimë të dëshmuar. Universiteti u themelua në vitin 2001, si universitet i parë "privat-publik jofitimprurës" në rajon dhe që në fillim arriti të shndërrohet në "model të arsimit të lartë në rajon", duke ofruar mbi 20 programe cilësore pasuniversitare të akredituara, në pajtim me trendet ndërkombëtare, Deklaratën e Bolonjës dhe sidomos kërkesave të tregut lokal dhe ndërkombëtar të punës, të konfirmuara nga numri i madh i punësimeve të të diplomuarve tanë.

Qëllimi i Universitetit është që të përshtatet me praktikat më të mira evropiane të cilësisë së kontrollit të njohurive, vlerësimit dhe përgjegjësisë. Universiteti i zhvillon programet studimore dhe mekanizmat për sigurimin e cilësisë, që të garantojë përshtatshmërinë me procesin e ndërtimit të Hapësirës Evropiane të arsimit sipëror dhe me institucionet tjera të deklaratës së Bolonjës.

Universiteti promovon barazi, trajtim të drejtë dhe gjithëpërfshirës, ashtu që të gjithë studentët të kenë mundësi për ta arritur potencialin e tyre maksimal dhe të jenë të suksesshëm. Ne, vlerësojmë diversitetin etnik, kulturor dhe gjuhësor të studentëve tanë dhe punojmë që ta përdorim këtë diversitet për të rritur përvojën studimore të secilit student.



Viteve të fundit kemi pasur një sërë zhvillimesh të reja dhe mjaft interesante në UEJL. Njëra prej tyre është zgjerimi i infrastrukturës së Teknologjisë Informative (TI) me disa veçori të reja (e-Service, Angel, eGrading), për të mbështetur mësimdhënien në UEJL. Universiteti është kampion i padiskutueshëm në rajon për përdorimin e sistemeve të rrjeteve elektronike, që u mundësojnë studentëve dhe stafit qasje on-line në informatat relevante për studime (punën e tyre), në çdo kohë, duke shfrytëzuar ndonjë nga 700 kompjuterët në qytezë ose nga interneti në shtëpitë e tyre.

UEJL ka një numër të madh të stafit ndërkombëtar të kyçur në procesin e mësimdhënies. Këta, së bashku me stafin e shquar akademik vendorë, në mënyrë konstante mbështeten përmes programit ambicioz për zhvillimin e stafit dhe qasjes së shëndoshë për sigurimin e cilësisë.

Pra, nëse e shfletoni këtë broshurë për një program universitar, i cili do të rrisë zhvillimin tuaj personal dhe perspektivën e së ardhmes suaj, Unë jam mëse i sigurt se mundësitë që ofrohen nga UEJL do t'ju mundësojnë që t'i pasuroni qëllimet e juaja akademike, profesionale dhe jetësore më shumë se çdokund tjetër.

Shpresojmë se së shpejti do të kemi mundësi që t'ju urojmë mirëseardhje si studentë në studimet pasdiplome në UEJL dhe shpresojmë se edhe Ju do të merrni pjesë aktive në gdhendjen e së ardhmes sonë.

Akademi Alajdin Abazi
Rektor i UEJL-së

Studimet në UEJL

Që nga formimi i tij në vitin 2001, UEJL ka hyrë në kategorinë e universiteteve më të mirë dhe më inovativ në rajon. UEJL ka një reputacion të shquar ndërkombëtar për mësim cilësor dhe ju ofron mundësi që të jeni pjesë e një përvoje unike dhe moderne e edukimit, për t'u pajisur dituri dhe aftësi të nevojshme profesionale që të keni sukses në tregun profesional të punës.

Ne, në UEJL, besojmë se roli ynë është që t'i ndihmojmë studentët tanë për të arritur maksimumin e potencialit të tyre, që të kenë sukses. Kjo, është arsyeja pse programet tona janë të zhvilluara. Sidomos, duke pasur parasysh nevojat e juaja dhe në vazhdimësi u janë përshtatur kërkesave të tregut të punës përmes bashkëpunimit tonë të vazhdueshëm me punëdhënësit. Premtimi ynë është se do të bëjmë gjithçka që është e mundur për t'u ofruar dituri dhe aftësi profesionale, të cilat do t'ju ndihmojnë që të keni sukses në mjedisin konkurrues global.

Fakultetet	Programe studim. të ciklit II (me 120 kredi)	Progr. stud. të ciklit II (me 90 kredi)
Fakulteti i Drejtësisë	E Drejta Penale E Drejta Ndërkombëtare E Drejta Kushtetuese dhe Administrative E Drejta Civile E Drejta Evropiane dhe Integrimet Studimet për Siguri	E Drejta Penale E Drejta Civile E Drejta Evropiane dhe Integrimet
Fakulteti i Administrimit të Biznesit (FAB)	Drejtimi i Ekonomiksit Drejtimi Financa dhe Kontabilitet Drejtimi i Marrëdhënieve Ekonomike Ndërkombëtare Drejtimi i Menaxhmentit Drejtimi i Marketingut	Drejtimi Financa Drejtimi i Menaxhmentit Drejtimi i Marketingut
Fakulteti i Administrimit Publik dhe Shkencave Politike (FAPSHP)	Studime të Administrimit Publik Shkenca Politike Studimet për Diplomaci Menaxhmenti Publik dhe Qeverisja Lokale (Paris 12 – Francë)	Administrata Publike e Krahasuar e UE-së Studimet për Diplomaci
Fakulteti i Shkencave dhe Teknologjive Bashkëkohore (FSHTB)	Inxhinieria Softuerike Menaxhimi me Bazat e të Dhënave Informatika e Biznesit Menaxhimi i Mjedisit Jetësor	Zhvillimi i Softuerit dhe Aplikacionit Menaxhimi i Mjedisit Jetësor
Fakulteti i Gjuhëve, Kulturave dhe Komunikimit (FGJJK)	Mësimdhënia e Gjuhës Angleze Studimet e Gjermanishtes Gjuhë Shqipe dhe Letërsi Menaxhimi dhe Udhëheqja e Arsimit Studimet për Media Marrëdhëniet me Publikun dhe Komunikimi	Mësimdhënia e Gjuhës Angleze Gjuhë Shqipe dhe Letërsi Menaxhimi dhe Udhëheqja e Arsimit Strategjia Mediale



Cikli i dytë i studimeve në UEJL-pasdiplomike

Universiteti nga muaji nëntor i vitit 2005, gjithashtu ofron programe studimore sfiduese të ciklit të dytë të studimeve. Universiteti ofron një mori programesh të studimeve pasdiplomike, të cilat janë ndërkombëtare për nga sfera, interaktive për nga procesi dhe ndërdisiplinare për nga përmbajta dhe qasja e tyre.

UEJL ofron programe studimore të ciklit të dytë (pasdiplomike):

- o Sipas sistemit të studimeve 4+1(programet tresemestrale – 90 ECTS)
- o Sipas sistemit të studimeve 3+2(programet katërsemestrale – 120 ECTS)

Përshkrim më të detajuar të programeve të ciklit të dytë (pasdiplomike), që ofrohen në UEJL, ju lutemi, vizitoheni ueb faqen tonë ose kontaktojeni Zyrën e studimeve pasdiplomike.

Sigurimi i cilësisë

Të gjitha programet e ofruara nga UEJL, janë të akredituara nga Bordi i akreditimit i Republikës së Maqedonisë dhe cilësia e programeve është nën një kontroll të vazhdueshëm nga ana mekanizmave për sigurimin e cilësisë, të cilët përfshijnë një program tejet ambicioz për zhvillim të stafit, observim të mësimdhënësve dhe shumë çështje të tjera.

Mësimdhënia, mësimnxënia dhe vlerësimi

Të studiuarit në universitet mund të jetë punë atraktive, shpërblyese dhe sfiduese. Ju do të studioni ide të reja dhe magjepsëse që mund të jenë shumë më ndryshe nga ato që i keni mësuar në studimet deridiplomike. Në UEJL, qëllimi ynë është që ju të jeni të kënaqur me lëndët tuaja, të fitoni përvojë në të menduarit ndryshe dhe të dilni me dituri dhe shkathësi që do t'ju mundësojnë pushtimin e së ardhmes suaj.

Ne, jemi të përkushtuar për t'ju ofruar njohuri cilësore, duke shfrytëzuar një kombinim të metodave tradicionale me ato më inovative të mësimdhënies, si p.sh. mësim interaktiv, mësim elektronik(e-learning) dhe kështu me radhë.

Ligjëratat luajnë rol vendimtar në mësimdhënie, duke i vendosur temat dhe çështjet më të rëndësishme të lidhura me lëndën, përderisa seminarët dhe ushtrimet sigurojnë strukturën për sqarim më të detajuar dhe analizë, duke ofruar mundësi për analizë dhe diskutim në grupe të vogla me mësimdhënësin dhe këmbimin e ideve.

Në UEJL aplikohet një gamë e gjerë metodash për vlerësim, të cilat janë të dizajnuara në atë mënyrë që t'ju krijojnë mundësitë më të mira për të demonstruar aftësitë e juaja. Këtu përfshihen provimet me shkrim, me gojë, projektet/punimet seminarike, pjesëmarrja aktive etj. Si universitet i vetëm në rajon, notat shpallen on-line përmes sistemit "e-Grading". Kjo, u mundëson studentëve që brenda disa sekondave pas shpalljes së notave nga ana e instruktorit përmes portalit të UEJL-së "eServices", t'i shohin on-line.





Mësimi elektronik (e-learning) - Angel

E-learning është një pjesë e rëndësishme e përvojës akademike në UEJL dhe ne jemi të përkushtuar që ta inkurajojmë zhvillimin e mëtutjeshëm të saj. Pothuajse të gjitha lëndët janë të mbështetura nga burimet on-line përmes sistemit “Angel”, duke u mundësuar studentëve qasje tek materialet dhe detyrat, dorëzimin e projekteve/detyrave dhe komunikim me profesorët, në çdo kohë, në ndonjërin nga 450 kompjuterët që janë në dispozicion për studentët në qytezë ose përmes internetit në shtëpi. Studentët kanë qasje të drejtpërdrejt tek lënda e tyre përmes internetit dhe në çdo kohë mund t’i shkarkojnë materialet, ta lexojnë plan-programin mësimor, t’i paraqesin punimet, t’i lexojnë publikimet lidhur me lëndën, ta përcjellin postën elektronike, t’i lexojnë rezultatet kthyesë nga mësimdhënësi, etj.

Stafi akademik

Një gjë me ndikim në përvojën akademike të studentëve që më së shumti e dallon UEJL-në nga universitetet tjera në rajon është personeli akademik. Përveç një numri të madh të profesorëve eminentë nga rajoni, në Universitet janë të inkuadruar edhe një numër i gjerë i shkencëtarëve/profesorëve ndërkombëtarë, të cilët vijnë nga vende të ndryshme të botës, duke sjellë me vete jo vetëm përvojën e tyre akademike në UEJL, por edhe kulturën e tyre dhe të menduarit ndryshe. Kjo veçori kontribuon dhe shton perspektivën globale dhe multikulturore të programeve tona, duke i bërë ato më të përshtatshme për mjedisin global të punës.

Një veçori tjetër e dukshme e profesorëve tanë dhe e politikës së universitetit në lidhje me stafin është edhe përkushtimi për të siguruar mësim cilësor dhe një arritje të theksuar të nivelit akademik.


UEJL, në vazhdimësi mundohet të aplikojë një qasje interaktive, duke e vendosur studentin në qendër të vëmendjes në të gjitha aktivitetet dhe shërbimet e ofruara dhe njëkohësisht duke bërë përpjekje të vazhdueshme për zhvillimin e stafit. UEJL ka bashkëpunim të ngushtë dhe një aleancë strategjike me universitetet më me repute në lidhje me programet e trajnimit me qëllim të zhvillimit të stafit akademik dhe për të pasur qasje në mësimdhënie/mësimnxënie.



Qyteza e UEJL-së

UEJL është ndërtuar sipas principit gjithçka në një vend, duke mundësuar interaksion gjithëpërfshirës midis studentëve të të gjitha disiplinave të studimit. Qyteza universitare ngërthen në vete hapësira të gjelbërta dhe objekte akomodimi, përfshirë katër amfiteatro të mëdha me kapacitet për 200 deri në 500 studentë, më shumë se 30 klasa me kapacitet prej 30 deri 60 studentë, dy qendra kompjuterike bashkëkohore me më shumë se 450 kompjuterë, librari, konvikte për banim dhe një numër të madh të fushave për rekreacion. Qyteza vazhdimisht është zgjeruar me ndërtesa të reja duke ju shtuar kapaciteteve ekzistuese për studim.

Pajisjet e mësimdhënies janë moderne dhe praktike, duke ofruar kushte optimale për aplikim të mësimin interaktiv. Çdo klasë është e pajisur me sviç për internet, pra lidhja me botën është e mundur me lehtësi nga çdo kënd i Universitetit.





Infrastruktura e teknologjisë informatike (TI)

Teknologjia informatike (TI), është e njohur për të thyer distancën, për t'i hequr barrierat e kohës për t'u lidhur me kontinentet dhe për t'i afruar njerëzit, në atë mënyrë që prekë elementet kryesore se si jetojmë dhe punojmë. Ky revolucion, gjithashtu është relevant edhe për mësimdhënien dhe mësimnxënien dhe konsiderohet si element kyç për sigurimin e cilësisë në Universitet.

UEJL është një kampion i padiskutueshëm në rajon sa i përket përdorimit të TI dhe përdorimit të sistemeve të rrjetit në mësimdhënie dhe mësimnxënie, duke ju mundësuar studentëve qasje në shërbimet e Universitetit dhe informata në lidhje me studimet e tyre on-line në çdo kohë.

Të gjithë studentët pas regjistrimit kanë akauntin e tyre, i cili ju mundëson qasje në softueret më të avancuar të Microsoft Office dhe softuer aplikativë të tjerë më të specializuar, si dhe qasje në burimet e mësimt elektronik (Angel), portali i studentëve (e services), Internet dhe webmail. Sipas ofertës më të fundit, bazuar në një marrëveshje ekskluzive me Gmail, çdo studenti të UEJL-së i ofrohet 6 GB hapësirë me mundësi përdorimi 24 orë, d.m.th. edhe me mundësi kyçjeje nga shtëpia.

Shërbime profesionale të karrierës

UEJL njihet për suksesin e të diplomuarve në tregun e punës. Një ndër arsytet është se ne kujdesemi për ju gjatë kohës edhe pas diplomimit tuaj. Përmes Qendrës së karrierës, ne ju ndihmojmë në identifikimin, planifikimin dhe arritjen e karrierës suaj të preferuar.


Për më shumë detaje rreth shërbimeve që ofron Qendra e Karrierës, ju lutemi vizitoni uebfaqen e Universitetit ose na dërgoni e-mail në careercentre@seeu.edu.mk

eService

eService është portali i UEJL-së, i cili u mundëson studentëve qasje tek një gamë e gjerë shërbimesh, 24 orë në ditë përmes internetit, duke përfshirë këtu shërbime dhe informata p.sh. në lidhje me gjendjen financiare, pasqyra e notave të arritura (transkripta), përpilimin e orarit, paraqitjen dhe pasqyrën e provimeve, etj. Qëllimi i portalit, eService, është që të krijohet një shoqëri virtuale – një vend për të studiuar, punuar, bashkëpunuar dhe për t'u argëtuar!

Qendra kompjuterike

Universiteti ofron kushte shumë të mira kompjuterike për të përkrahur studimet e juaja. Përmes dy qendrave kompjuterike ne qytezën universitare, UEJL u mundëson studentëve qasje në mbi 450 kompjuterë - të gjithë të pajisur me programet më të reja dhe më të avancuara, duke përfshirë këtu edhe qasje në internet përmes një lidhje të shpejtë. Qendrat kompjuterike janë të hapura gjatë gjithë javës, prej orës 08.00 - 22.00, kurse të shtunën prej orës 08.00-17.00.





Biblioteka

Biblioteka e Universitet 'Max Van Der Stoel', e vendosur në mënyrë të përshtatshme në qytezë, ofron qasje në një gamë të gjerë materialesh në mbështetje të mësimi, mësimdhënies, dhe kërkimit shkencor në UEJL në gjuhën shqipe, maqedonase, angleze, frënge, gjermane, italiane dhe gjuhë të tjera. Koleksioni i bibliotekës përfshinë më shumë se 20.000 tituj dhe më shumë se 30.000 libra në total, përveç një numri të madh revistash, raportesh ndërkombëtare, CD-ROMs, gazetash ndërkombëtare dhe lokale, si dhe periodikësh të tjerë.

Më shumë, nëpërmjet hulumtimit online në bazën e të dhënave, EBSCO, për studentët dhe stafin e UEJL është siguruar qasje e drejtpërdrejt në një morri burimesh elektronike si që janë revistat, botimet periodike, gazeta dhe burimet tjera për ti përdorur ato gjatë mësimi ose si burime përkrahëse gjatë hulumtimit.

Biblioteka është e hapur gjatë të gjitha ditëve të javës nga 08.00-23.00 dhe të Shtunave nga 10.00 – 14.00. Gjatë tërë kohës studentët kanë qasje jo vetëm në koleksionin e bibliotekës, por edhe në kompjuterët, internetin dhe sallat e leximit që përputhen me kërkesat dhe nevojat e çdo studenti.

Mbështetje për studentët me aftësi të kufizuara

UEJL mirëpret çdo aplikim për studim nga personat me aftësi të kufizuara. Studentëve me aftësi të kufizuara u jepet përparësi gjatë shpërndarjes së bursave, kurse qyteza universitare që nga fillimi është ndërtuar me qëllim që t'u mundësojë personave me aftësi të kufizuara lëvizje të lehtë dhe qasje në të gjitha objektet e nevojshme për një eksperiencë sa më të mirë studentore. Universiteti është i pajisur me rampa, WC të përshtatshme dhe me ashensorë në të gjitha ndërtesat me më shumë se një kat.

Në rast se jeni me aftësi të kufizuara dhe keni nevojë për kujdes të veçantë, jemi shumë të interesuar të bisedojmë me ju në lidhje me nevojat apo kufizimet tuaja. Prandaj, për aplikim për studim në UEJL ose për informacione plotësuese në lidhje me mbështetjen që ne mund t'ua ofrojmë, ju lutemi kontaktoni drejtorin e Zyrës për shërbime studentore, në tel. +389 44 356 045.





Pranimi

Universiteti promovon politikë të hapur të pranimit, ku vlejnë disa kufizimeve. Pranimi i hapur nënkupton atë që Universiteti është zotuar se do t'i pranojë të gjitha ata që janë të kualifikuar për përfshirje në programet akademike. Kështu që, aplikuesit duhet t'i plotësojnë kushtet dhe kriteret për pranim, të përcaktuara nga Universiteti dhe kërkesat e përgjithshme që rregullohen me Ligjin për arsimin e lartë të Republikës Maqedonisë.

Formularët e aplikimit mund të shkarkohen nga ueb faqja ose të kërkohen në Zyrën për informim në qytetën universitare.

Shënim: Pranimi i studentëve bëhet në bazë të konkursit të miratuar nga ana e Senatit të Universitetit. Konkursi shpallet në ueb faqen e Universitetit dhe në gazeta të ndryshme lokale dhe rajonale, duke përmbajtur informata të azhuruara rreth programeve specifike, pranimit dhe afateve të paraqitjes.

Njohja e gjuhëve

Njohja e gjuhëve në nivel akademik është kërkesë pranimi në të gjitha programet pasdiplomike. Kandidatët që aplikojnë në programe studimore, ku gjuha e ligjërimit është gjuha shqipe, duhet të dëshmojnë njohje të gjuhës maqedonase dhe angleze, përderisa kandidatët që duan të regjistrohen në programe studimi ku gjuha maqedonase është gjuhë ligjërimit duhet të zotojnë mirë gjuhën angleze.

Procedura e aplikimit

Aplikuesit gjatë aplikimit duhet t'i dorëzojnë dokumentet në vijim:

- Formularin e plotësuar për aplikim në Zyrën për pranim (Formularët mund t'i merrni në ueb faqen e Universitetit: www.seeu.edu.mk).
- Biografi e shkurtër në formë të esesë, ose letërinterimesi, që do të përmbajë së paku 500 fjalë (Kandidatët duhet të përmendin arsyet pse aplikojnë në UEJL dhe çka presin).
- Diplomë origjinale universiteti (të ciklit të parë), si dhe të gjitha transkriptat origjinale (dhe diplomë shtesë nëse ka) të ciklit të parë të studimeve (ose kopje të verifikuara në noter).
- Dy referenca /letër rekomandimi. Ju lutemi, dorëzoni dy rekomandime nga njerëz që nga afër mund të flasin për shkathtësitë dhe mundësitë tuaja për studime master. Rekomandimet duhet t'i dërgoni së bashku me aplikimin në një zarf të mbyllur (me nënshkrim të referuesit).
- Certifikatë të datëlindjes
- Fotokopje të letërnjoftimit ose pasaportës

Shënim: Kandidatët duhet të dorëzojnë fletëpagesën (PP10), në shumë prej 1500 MKD, në: Stopanska Banka (Ilogaria rrjedhëse : 200-000877547449, Numri tatimor: 4028003134292).

Të gjitha materialet për aplikim, para mbarimit të afatit kohor, duhet të dorëzohen në këtë adresë:

Universiteti i Evropës Juglindore
Ilindenska p.n,
1200 Tetovë,
Republika e Maqedonisë

Shënoni: Aplikim në programet studimore për studime pasdiplomike

Kërkesa shtesë

Fakultetet/Departamentet e veçanta mund të vendosin kritere shtesë për pranim, në qoftë se e shohin si të nevojshme, duke përfshirë rezultate të larta, por jo edhe minimumin e kërkuar të pikëve nga testet e gjuhëve. Ju lutemi, shihni përshkrimin e programeve në ueb faqen tonë, ose kontaktoni departamentet e veçanta apo Zyrën për studime pasdiplomike, për informata plotësuese. Numrat për kontakt për të gjitha departamentet janë në faqen e fundit të këtij prospekti.

Studentët e huaj (që nuk janë shtetas të RM)

Për studentët e huaj, vlejné të njëjtat kërkesa për pranim dhe pagesa e shkollimit që vlen edhe për studentët e shtetit.

Pagesa e shkollimit

Në bazë të Ligjit për arsimin e lartë të RM, UEJL është klasifikuar si institucion 'privat –publik' jofitimprurës i arsimit të lartë, i cili dallon nga institucionet publike që drejtpërdrejt financohen nga shteti. Si rezultat i kësaj, pagesat e shkollimit janë në përgjithësi më të larta nga universitetet publike.

Pagesat e shkollimit dallojnë për nga programet studimore, ju lutemi, referohuni konkursit të shpallur për pranim ose kontaktoni Zyrën për studime pasdiplomike.



 **Abdikim**

Broshura në fjalë, është përgatitur si një udhërrëfyes joformal për lehtësi të studentëve të ardhshëm. Megjithëse informatat e ofruara janë të sakta për kohën e publikimit të broshurës, disa aspekte të programeve dhe praktika e Universitetit mund t'i nënshtrohet disa modifikimeve dhe revizioneve gjatë kohës. Prandaj, Universiteti rezervon të drejtën për t'iu nënshtruar këtyre ndryshimeve në bazë të nevojës. Kështu që, informacionet e paraqitura nga Universiteti gjatë vitit duhet të konsiderohen si (ku duhet), të zëvendësueshme me informacionet e paraqitura në këtë broshurë.



Kontaktet

Zyra për studime pasdiplomike
Universiteti i EJL
Ilindenska, pn
1200 Tetovë
Republika e Maqedonisë

Tel: + 398 (0) 44 356 031
e-mail: e.murtezani@seeu.edu.mk

Fakulteti i Administrim Biznesit (AB):

Tel: +389 44 356 064

Fax: +389 44 356 001

E-mail: a.sejdini@seeu.edu.mk

Fakulteti i Drejtësisë:

Tel: +389 44 356 145

Fax: +389 44 356 001

E-mail: b.netkova@seeu.edu.mk

**Fakulteti i Shkencave dhe
Teknologjive Bashkëkohore (FSHTB):**

Tel: +389 44 356 170

Fax: +389 44 356 001

E-mail: xh.zenuni@seeu.edu.mk

**Fakulteti i Administrimit Publik dhe
Shkencave Politike (FAPSHP):**

Tel: +389 44 356 123

Fax: +389 44 356 001

E-mail: j.abdullai@seeu.edu.mk

**Fakulteti i Gjuhëve, Kulturave dhe
Komunikimit (FGJJK):**

Tel: +389 44 356 285

Fax: +389 44 356 001

E-mail: g.xhaferi@seeu.edu.mk

E-mail: a.poshka@seeu.edu.mk

**Instituti i Ambientit
dhe Shëndetit:**

Tel: +389 44 356 034

Fax: +389 44 356 001

E-mail: v.zenki@seeu.edu.mk

www.seeu.edu.mk

